

- tatum illecebris haud obnoxius, procul habitis amore, odio,  
 57. ira, in meditando defixus, anachoreta dicitur. Qui, undique  
 affectionis expers, quidquid illi obtingat faustum vel infau-  
 58. stum, neque exultat neque aversatur: apud hunc sapientia  
 commoratur. Quando is, sicuti testudo artus suos unde-  
 cunque, sensus abstrahit a rebus quae sensibus obversantur:  
 59. tunc apud eum sapientia commoratur. Res sensibus ob-  
 viae recedunt a mortali abstimente; temperantia eius insigni  
 60. animadversa ipse appetitus recedit. At interdum, Kuntidis  
 nate, viri prudentis, quamvis strenue annitentis, sensus tur-  
 61. bulenti animum vi abripiunt. His omnibus coërcitis devo-  
 tus sedeat, in me solum intentus: cuius in potestate sensus  
 62. sunt, apud hunc sapientia commoratur. In homine res  
 sensibus obvias meditante propensio erga illas subnascitur;  
 63. e propensione cupido, e cupidine ira enascitur; ex ira ex-  
 sistit temeritas, e temeritate, memoriae confusio; e memo-  
 64. riae confusione mentis iactura, qua tandem ipse pessumda-  
 tur. Qui autem circa res versatur sensibus ab affectu et  
 aversatione segregatis, ipsius voluntati parentibus, animo bene  
 65. composito, is serenitatem consequitur; serenitate omnium  
 molestiarum repudiatio in illo subnascitur. Cuius vero inge-  
 66. nium serenum, hunc protinus mens totum occupat. Non  
 inest mens non devoto, neque inest sui conscientia; et qui  
 sibi non sui conscius, is tranquillitate caret: sine tranquilli-  
 67. tate quomodo beatus esse possit? Sensibus circa res ver-  
 santibus cuius animus obtemperat, eius sapientia illius im-  
 68. petu abripitur, veluti tempestate navis in fluctibus. Qua-  
 propter, o heros, is, cuius sensus cohibentur omnimodo a  
 rebus, quae sensibus obversantur, apud hunc sapientia com-  
 69. moratur. Quae nox est cunctis animantibus, hanc pervi-